

我上愛食的果子

王慧雯

王梨 西瓜 蘋果 弓蕉 火龍果 猴頭果
椰子 棗子 李子 柿子 柚子 梅子 龍眼 荔枝 柳丁 菝仔
樣仔 蓮霧 柑仔 葡萄 木瓜 香瓜 me-lóng 甜瓜
桔仔 檸檬 網仔瓜 釋迦 櫻桃 恰枇杷 草莓 梨子 楊桃 桃子

台灣果子百百款 你上愛食ㄟ是佢一款

敢有人無愛食果子咧？今仔日佇遮ㄟ每一个，應該無~無愛食果子的~齣！佇厝裡若是講著食果子，阮~若是走~第二，著絕對無人走第一。阿嬤定定佇咧講：阮無的確是猴齊天投胎轉世，若無，哪會遮爾ㄟ~愛食果子咧！

會記得有一擺，阿母佇灶跤內咧剖果子，欲予人客食，阿母那剖，阮倚佇邊仔那食，阿母知影阮愛食果子，想講予阮食一寡應開無問題，啥人知伊一越頭煞看著阮~無張無持，恰規盤ㄟ果子攞拆食落腹。彼一擺，阿母只好請人客食白滾水。實在真見笑！甲這馬歸家伙ㄟ，攞甲這一條記牢牢。若是閣有人客來，阮是袂得通入去灶跤，以免果子閣予阮拂了了。

台灣果子是百百款，到底阮上愛食ㄟ果子是佢一款？佇遮阮欲向台灣所有ㄟ做穡人說多謝，逐家勞力囉。因為有恁ㄟ改良恰拍拚，阮才有遮爾~ㄟ大粒又閣甜物物ㄟ果子通好食。講甲遮已經有人知影阮上愛食甚~款ㄟ果子。無毋著恁臆著啊，阮上愛食ㄟ果子定著愛ㄟ甜ㄟ啦！是愛佻甜咧？毋免講當然嘛是愈甜阮愈愛食ㄟ！

佇熱天，日頭赤焱焱無論是大人抑是囡仔人，全身軀臭汗酸，大粒汗~拚小粒汗，汗流汁滴。一轉厝內，毋是沖冷水著是開冷氣。閣較有對冰箱提涼水來灌杜猴。這當時食西瓜是每一个人ㄟ第一選擇。猶毋過阮恰別人無相共，因為阮上蓋愛ㄟ是：看起來紅丟丟黃錦錦，鼻起來芳甜ㄟ芳甜，果子肉食起來是甜物物益閣會流湯的：~~樣仔啦。

酸ㄟㄟ酸ㄟㄟ好滋味，毋但會通止喙焦，嘛會當止枵閣食粗飽，實在是一兼二顧，摸蚶仔兼洗禱。阿嬤講：阮是胡蠅貪甜，阿母講：阮是狗蟻人，佢位甜著對佢位去。他們講的阮攞承認。不過若是揀著無甜ㄟ樣仔，阮嘛是心肝掠坦橫，無捧場ㄟ啦。